

**«ԿՈՌՈՒԴՊՑԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎԻ  
2023 ԹՎԱԿԱՆԻ ԴԵԿՏԵՄԲԵՐԻ 22-Ի N 01-Ն  
ՈՐՈՇՄԱՆ ՄԵՋ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ»  
ԿՈՌՈՒԴՊՑԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎԻ  
ՈՐՈՇՄԱՆ ՆԱԽԱԳԻԾ**

**ՆԱԽԱԳԻԾ**

**ԿՈՌՈՒԴՊՑԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎ**

**ՈՐՈՇՈՒՄ**

\_\_\_\_\_ 2024 թվական

N \_\_\_\_-Ն

**ԿՈՌՈՒԴՊՑԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎԻ 2023 ԹՎԱԿԱՆԻ  
ԴԵԿՏԵՄԲԵՐԻ 22-Ի N 01-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

Հիմք ընդունելով «Նորմատիվ իրավական ակտերի մասին» օրենքի 33-րդ և 34-րդ հոդվածները՝ Կոռուպցիայի կանխարգելման հանձնաժողովը (այսուհետ՝ Հանձնաժողով) **որոշում է.**

1. Կոռուպցիայի կանխարգելման հանձնաժողովի 2023 թվականի դեկտեմբերի 22-ի՝ «Հանրային պաշտոն զբաղեցնող անձանց և հանրային ծառայողների կողմից պաշտոնեական պարտականությունների իրականացման կապակցությամբ ստացված նվերների հաշվառման, հանձնման և գնահատման, նվերների հաշվառման ռեեստրի վարման և ներկայացված տվյալներում փոփոխությունների կատարման, նվերների ընդունման սահմանափակումների խախտման դեպքերի վերաբերյալ տեղեկությունների տրամադրման կարգերը, ինչպես նաև ռեեստրում լրացման և հրապարակման ենթակա տվյալների ցանկերը սահմանելու մասին» N 01-Ն որոշման N 2 հավելվածում կատարել հետևյալ լրացումները.

1) 4-րդ կետում՝

ա. «կայքէջում» բառից հետո լրացնել «` բացառությամբ սույն կարգի 6.1-ին կետով նախատեսված դեպքերի:» բառերով.

2) 6-րդ կետից հետո լրացնել հետևյալ բովանդակությամբ նոր 6.1-ին և 6.2-րդ կետեր.

«6.1. Արտաքին հարաբերությունների առանձնահատկություններով պայմանավորված` Պետական արարողակարգի ծառայության գրավոր հիմնավորման առկայության դեպքում Օրենքի 29-րդ հոդվածի 4-րդ մասի 1-ին և 3-րդ կետերով նախատեսված նվերների վերաբերյալ Ռեեստրում առկա տվյալները Հանձնաժողովի որոշմամբ կարող են չհրապարակվել:

6.2 Ռեեստրում լրացման ենթակա տվյալները չհրապարակելու մասին Պետական արարողակարգի ծառայության գրավոր հիմնավորումը ներկայացվում է Հանձնաժողով նվերների հաշվառման ձևաթղթի հետ միաժամանակ կամ ոչ ուշ, քան նվերների հաշվառման ձևաթուղթը ներկայացնելու երրորդ օրը:»:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

**ՀԱՆՁՆԱԺՈՂՈՎԻ ՆԱԽԱԳԱՀԻ**

**ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ`**

**ՄԱՐԻԱՄ ԳԱԼՍՅԱՆ**